

Item eyner Kaufft etzlich ein tuchs ye drey ein fur zwen floren vnd verkaufft widder. 4. ein fur. 2. floren Kaufft vnd verkaufft hat. 10. floren gewonnen die frag wie viel ein. Setz. 60. ein rechen was die Kosten sprich. 60. ein yhe 3. ein fur. 2. floren facit. 40. floren besihe wienil er dar aus löst/sprich. 4. ein fur. 3. floren wie komen. 60. ein facit. 45. floren darvon nym. 40. bleyben. 5. solten. 10. seyn/leugt zu wenigk. 5. Setz eyn andere falsche sal als. 90. examinir die leugt zu wenig drithalben/mach die lügen zu teyl n stet also.

60 minus 10

90 minus 5

Thu nach vnterichtung so komen. 120. ein.

Item eyner furt gen Regenspurgk von Wien. 60. fuder Weyns/gibt eines dem solner von welchem er widerüb 30. floren empfeht / Zuhn kömet einander brengt. 200. fuder/gibt dem solner ein fuder vnd. 20. floren mehr/die frag wieniel ein fuder ist wert gewesen / Setz. 40. floren sprich. 30. darvon bleyben. 10. die er dem solner gegeben hat/sprich. 60. geben. 10. flo. was geben. 200. facit. 33. flor. vnd eyn dritteyl/solten. 60. flor. sein leugt zu wenigk. 26. floren vnd zwey dritteyl / Setz forn eyn fuder kost. 50. floren examinir auch so kominen minus. 3. floren eyn dritteyl die lügen resolvir ynn teyl steht also.

40 minus 80

50 minus 10

Volfüre es komen 51. floren vnd drey siebenteyl / so viel hat ein fuder weins gekost.

Item eyner Kaufft aus etzlicher wahr. 160. floren gelten etzlich. 4. dick pfen. etzlich. 3. dick pfen. Machen ynn summa. 560. dick pfen. die frag wienil gegolten haben. 4. vnd wienil